

Payí Poro Koriniyo ηweáyí nání ríwíyo eañinarini.

Payí rina Jisasoyá siyikíyí añí yóí Koriniyo ηweagiáyí nání Poro ríwíyo niriri eañinarini. Añí apí Girikiyí piropenisíyo xwé bi imóniñipirini. Payí Poro Koriniyo ηweáyí nání xámi niriri eañina neariná diñí nikinimóniño píráníñí érixiniri mixí nuriri eañí nání emá bi nipwémáná eñáná “Ayí nimóniño yarigiápi nání Taitaso siñwí niwiniauini ouowárimini.” niyaiwiri uowáriagi Taitaso siñwí niwinaumi nibiri áwaní réniñí uriñinigini, “Wí mixí joxi uriñipimi dání rixa nisaníro nero aiwi wí ‘Poro pípimi dání sekaxí nearipaxírani?’ niriro aríki yariñoi.” Éniñí uríagi nání Poro payí rina niriri neariná nipeníí xwiýíá bi uriri mixí bi uriri xwiýíá xwiýíá bi uriri neri eañinigini.

1 ¹ Poriñi —Nioni Gorixo wimóniñipimi dání Kiraisi Jisasoyá wái wurimeiariná wonirini. Nioni tñi negí nixixímeá Timotio tñi yawawi siyikí Gorixoyá imónigíá Koriniyo ηweagiáyíne tñi oyá ámá imónigíá Girikiyí añíyo wí e wí e ηweagiáyíne tñi nání payí rina neari mónapariñwii. ² Negí ápo Gorixo tñi Áminá Jisasi Kiraiso tñi awaú wá seawianiri seyíne niwayiróniño ηweapíri nání seamixiri éisixini.

Xeaniñí wímeáagi aí Gorixo ikiñwí umiriñipi nánirini.

³ Gorixo —O negí Áminá Jisasi Kiraisomi xano imóniri oyá Ŋwíáo imóniri eñorini. Omi yayí niwirane seáyi e umíeyoaañeyi. Wá wianarigíá ámáyo wímeariñí nipini míkí ikiñorini. Ámá pí pípi nání diñí sipí wiariñíyo miñí ikiñwí umirariñípi míkí ikiño, ayí orini. ⁴ O miñí ikiñwí neamirariñípa nene eni axípi pí pí xeaniñí wímeáíyo miñí ikiñwí umiraniwá nání pí pí xeaniñí neaímeááná miñí ikiñwí neamirariñíriñi. ⁵ Ríniñí Kiraiso ámáyo arirá owimíniri neríná wímeañípi nene eni ayá wí neaímeaarini. E neri aí xío neaiñípi dání Gorixo miñí ikiñwí ayá wí neamirariñíriñi. ⁶ Xeaniñí none neaímeáípi, ayí seyíne seeríkiemeaarane miñí ikiñwí seamirirane yaníwá nání neaímeaarini. Miñí ikiñwí Gorixo neamirariñípi, ayí seyíne miñí ikiñwí seamiraniwá nání eni neamirariñíriñi. Nepa miñí ikiñwí seamirariñwaéyíne eñánáyí, xeaniñí none xwámámí wiariñwápa seyíne eni xeaniñí axípi imóniñípi

xwámámí wipaxíyínérini. ⁷None re niyaiwiri nijjá imóniŋwini, “Ríniŋí none meariŋwápi seyíne eni axípi meariŋíárini. Ayináni Gorixo miŋí ikiŋwí neamirariŋípa seyíne eni axípi seamirariŋírini.” niyaiwiri nijjá nimónirane náni diŋí re niyaiwirane ikwímoariŋwápi síkíkí onini, “Seyíne eŋí neániro pí pí seaímeáípi anani xwámámí niwiro ŋweapíríárini.” yaiwiriŋwápi síkíkí onini.

⁸Negí niriŋímeáyíne, ayí ripi náni searariŋini. Xeaniŋí none Esia piropeniŋyo ŋweaŋáná neámeaŋípi “Seyíne sini majjá oimónípoi.” mineaimónarini. Xeaniŋí ría tíŋí none eŋí neániro aí xwámámí miwipaxí imóniŋípi neámeaŋí “Ari yaníwini?” niyaiwiriná “Rixa nipeaniŋéwini?” yaiwiŋwárinini. ⁹Ai, newaniŋone “Eŋí eániŋwáonerfani?” niyaiwirane diŋí miŋwiráriní sa Gorixomi —O áamá pegíáyí wiápiniŋeapíría náni wimixariŋorini. Omini none diŋí uŋwiráraníwá náni sikwíá neaiŋípi neaiŋinigini. Sikwíá neaiŋí api áamá opisí aŋíyo dání xwirixí aría niwimáná “Rixa pikípoi.” rariŋo rixa “Awami pikípoi.” ránániŋí neaiŋinigini. ¹⁰⁻¹¹E neri aí nene maŋí umónani náni mimúropaxí imóniŋí apimi dání Gorixo éí neamíniŋírini. Ríwíyo bí eni éí neamíniníárini. “Ámi ríwíyo bí maŋí umónipaxíipimi umónaniri yaríná éí neamíniníárini.” niyaiwiri diŋí wikwímoariŋwáo seyíne none náni rixiŋí nineauriyiriŋíipimi dání arirá nineairíná anani éí neamíniníárini. Gorixo éí neamínariŋagí niwiniŋóná re niyaiwiro, “O áamá obaxene rixiŋí wuriyariŋwápi aría nineairi náni Porowami wá niwianiri xeaniŋí wímeaíipimi dání éí umíniŋírifani?” niyaiwiro none náni omi yayí wipíríárini.

Koriniyo ámi muŋípi náni áwaŋí uriŋí nánirini.

¹²Ayí ripi náni mixí meakíninariŋwini. “None naŋí ría wiŋwanigini? Sipí ría wiŋwanigini?” yariŋí e niníranéná re yaiwinariŋwini, “Gorixomi mixídarigiáyo siyikwí máníŋí nimónimáná wiirane omi pírániŋí nuxídiríná epaxípi nepáni wiirane nerane aiwi seyíne ayí aŋipaxí e seaŋwanigini.” yaiwinariŋwini. Ayí “Nijjá áamá wigí diŋíyo dání imónariŋíápimi dání maríái, Gorixo wá nineawianiri eŋí sixí neámixiŋíipimi dání ayo e wiirane seyíne aŋipaxí e seaŋirane eŋwanigini.” niyaiwinirane náni mixí meakíninariŋwini. ¹³⁻¹⁴None seyíne náni payí neari niseamónapíríná ríwamiŋí seyíne íá niŋoro nijjá mimónipaxípi neari wírenapariŋwámani. Sa ríwamiŋí seyíne anani íá niŋoro nijjá imónipaxípi neari wírenapariŋwárinini. Agwi seyíne none e oyaneyiniri neari wírenapariŋwápi náni “Awa ayí api náni ría yariŋoi?” niyaiwiro xixeni mineaiwiriŋagía aiwi seyíne ripi epíría náni diŋí seaikwímoŋwini. Ríwéná seyíne none yariŋwápi náni “Awa ayí api náni regíawixini?” niyaiwiro none e oyaneyiniri yariŋwápi tíni xixeni neaiwipíría náni diŋí seaikwímoŋwini. Seyíne “Porowa e yaníro náni

regíawixini?” xixeni nineaiawirónáyí, síá Áminá Jisaso weapiníáyimi none seyíne náni ayá wí mixí seameakínaníwápa seyíne eni none náni mixí neameakínipíríárini.

¹⁵Seyíne “Ayí neparini. Poro aga seáyi e oimóniminiri payí neari mónapiñímani. Sa nene náni ayo pírániñí owimiximiniri neari mónapiñíárini?” Seyíne anani e yaiwipiri náni diñí niseaikwímoriná re yaiwiñanigini, “Xámi seyíne tíñí e náni nibiríná diñí sixí biaú seamímóimigini.” yaiwiñanigini. ¹⁶E niyaiwiríná ayí ripi yaiwiñanigini, “Masedonia piropenisíyo náni nuríná seyíne tíñímani xámi numáná ámi Masedonia piropenisíyo dáni nibiri Judia piropenisíyo náni nuríná óí e diñí sixí níga umía náni bi niapírrixiniri ámi seyíne tíñí aximani bíimigini.” yaiwiñanigini. ¹⁷Nioni e yaiwiñá eñagi náni seyíne re riniaiwiariñoi, “Poro ‘E éimigini.’ niyaiwiríná diñí ikwíroayiri mixeaayiri neri yaiwiñíri.” riniaiwiariñoi? “O ‘Ripi éimigini.’ niyaiwiríná sipí imónariñípimi dáni niyaiwiri náni sa diñí ikwírori mixeari yariñorini.” riniaiwiariñoi? ¹⁸Pí pí Gorixo rariñipi diñí uñwiráripaxípa xwiyíá none seariñwápimi eni diñí uñwiráripaxípi seariñwanigini. Xwiyíá none seariñwápi wí diñí ikwírori mixeari yariñwámani. ¹⁹Ayí ripi náni searariñini. Íwí Gorixoyáo, Kiraisi Jisaso —O náni nioni tíni Sairaso tíni Timotio tíni none wáí seariñwáorini. O diñí ikwírori mixeari yariñomani. Oweoi, xegí diñí niyaiwiri ikwíróipi aníñini ikwíroariño eñagi náni searariñini. ²⁰Gorixo símimañíyo dáníñiñí “E niseaimíárini. E niseaimíárini.” niriríná obaxí ráriñipi “Ayí neparini.” yaiwianíwá náni siwániñí iníño, ayí Kiraisorini. O e imóniño eñagi náni Gorixomi seáyi e umeaníwá náni yoparípi niriranéná Jisasi Kiraisoyá yoí rirane “Api e imóníwinigini.” rirane yariñwárinini. ²¹Seyíne tíni none tíni nineneni Kiraiso tíni nawíni ikárinaníwá náni síkíkí neomixariño, ayí Gorixo xewaníñorini. Wáí rariñwápi náni nearípeaño, ayí axorini. ²²“Ayí oyáríani?” oyaiwípoyiniri yariñípa nene eni neaiñíri. Xegí kwíyípi nineaiapiríná nene “O réroáriñipi nipini xixeni nineaiiníárini.” yaiwianíwá náni kwíyípi tíni ikiyiñíñiñí neaiáriñíri.

²³Nioni apaxí mé seyíne tíñí e náni nibiri mixí searáná diñí ría seaxeniginiri “Ámi Koriniyo náni mibipa éimigini.” yaiwiñanigini. Nioni diñí e yaiwiaríná Gorixo, siñwí naniño anani sopíñí nopaxírinini. ²⁴None seáyi e niseaimónirane seyíne diñí ikwíropaxí imóniñipi “Ayí ripinirini.” osearaneyiniri miyariñwini. Seyíne Jisasomi diñí niwikwíroróná sirí muní nero wikwíroarigíá eñagi náni none Gorixomi níxídiranéná seyíne diñí níá seaininía náni sa seyíne tíni nawíni omiñíñiñí éwaniginiri imóniñwini.

2 ¹Ayináni nioni seyíne náni diñí yaní nimeniri re yaiwiáriñanigini, “Nioni seyíne tíñí e náni nibiri mixí searíapimi dáni diñí sipí seaipaxí miseaimixípa éimigini.” yaiwiáriñanigini. ²Ayí ripi náni e yaiwiáriñanigini.

Nioni nibiri mixí niseariri diŋí sipí niseaimixirínáyí, áamá wí giyí nioni diŋí yayí nimopíríáríani? Oweoi, seyíne e niseairínáyí, áamá nioni diŋí yayí nimopíríá wí menini. ³Ayináni nioni mibí payíni neari wírénapiŋanigini. “Nioni báná yayí nimopaxíyíne mixí searíapimi dáni diŋí sipí miseaimixipa éimigini.” ninimóniri náni payíni neari wírénapiŋanigini. “Nioni yayí ninarína seyíne eni seainariŋirini.” yaiwiarinápi “Api aga nepa imónini.” nipimóniŋi eŋagi náni rariŋini. ⁴Ayí neparini. Xámi nioni payí neari niwírénapíríná diŋí ríá samiŋi minixé ayá wí nixearíná ŋwí tíni eaŋanigini. Payí ana diŋí sipí oseainiri meaŋanigini. Seyíne ripi náni niŋíá oimónípoyiniri eaŋanigini, “Poró nene náni diŋí sipí niwiríná xwapí ayá wí ría wiarini?” oyaiwípoyiniri eaŋanigini.

“Sipí éomi rixa yokwarimí wiiŋárini.” uriŋí nánirini.

⁵Segí áamá xegí sipí neriŋípimi dáni diŋí sipí neaimixiŋo nepa nioni diŋí sipí minimixiŋirini. Seyíne diŋí sipí seaimixiŋirini. Niyínéni diŋí sipí miseaimixipa neri aí wiyínéni diŋí sipí seaimixiŋirini. Omi ayá ríá wepaxí imóniŋípi miripa éimiginiri apini searariŋini. ⁶Áamá omi siyikí niwearíná segíyí nápi weagiápi “Ayí apánirini.” nimónarini. ⁷Ayináni diŋí sipí íwí xewaniŋo neriŋípimi dáni winariŋípi aniŋí rití wiáriniginiri agwi seyíne ámi siyikí bi miweá yokwarimí niwiiro miŋí ikiŋwí umirírixini. ⁸Ayináni eŋí rirémixí ripi oseaimini. O “Áamá tífí nioni diŋí sixí niyarigíáyíríani?” oyaiwiniri naní wí wiúrixini. ⁹Payí ana nioni neari niwírénapíríná re niyaiwiri eaŋárini, “Nioni payí neari uríápi nipini náni aríá yímigí epíriréoi? Aríkwíkwí nipíriréoi?” niyaiwimáná iwamíó seaŋwapiyiminiri náni payí ana eaŋárini. ¹⁰Seyíne áamá xegí sipí éŋí náni yokwarimí wiánáyí, nioni eni anani yokwarimí wiiariŋárini. Ayináni nioni áamá omi nepa yokwarimí wiipaxí imóniŋí bi eŋánáyí, yokwarimí niwiiiríná seyíne náni “Arige neri arirá wiimíáríani?” niyaiwiri Kiraisoyá siŋwí tíŋí e dáni yokwarimí wiiŋárini. ¹¹None xixe yokwarimí minipa neriŋípimi dáni Seteno yapí nineaiepisimáná xopírírí neainiginiri náni áamá íwí éomi yokwarimí wiiŋárini. Obo yapí neaiepisiminiri yariŋípi náni niŋíá imóniŋagwí náni rariŋini.

Poró aŋí Tirowasiyo niŋweaxa múronŋí nánirini.

¹²Xámi nioni xwiýíá Kiraiso náni yayí neainariŋípi wáí uriminiri náni aŋí Tirowasiyo náni nuri niéromíná Ámináo ówaníniŋí níkwiiŋípimi dáni anani e epaxí imóniŋáoni naineniri aiwi ¹³negí niriŋímeá Taitaso segí tíámíni dáni sini mibípa éagi náni píá nimeginiri diŋí sipí niariŋagi náni iwieániŋanigini. Ayináni nioni Tirowasi ŋweáyo píni niwiárimi Masedonia piropeniŋíyo náni biŋanigini.

“Wáí niwurimeiranéná áamáyo sinadiŋiŋiŋí weaariŋwárini.” uriŋí nánirini.

¹⁴Taitaso náni diŋí sipí niariŋagi náni iwieániŋáoni aiwi agwí Gorixomi yayí wiariniŋi. Ayí ripi náni yayí wiariniŋi. O Kiraiso pí pí

imóniņípimi xopirárf wipaxo oimóniri wimixiņírini. Apini maríái, o ge ge nineaipemeámi uminiri neríná xopirárf wipaxýf oimónípoyiniri nineaimixiri nineaipemeámi wariņírini. Ayí ripi náni eni yayí wiariņjini. Gorixo none wáf wurimeariņwápimi dáni aņi nimini xwiyá Kiraiso náni riniņipi “Ayí apiráni?” oyaiwípoyiniri yariņírini. Xwiyá o náni awí diņj e aariņj bíniņj aņi nimini rinárimeniņipirini. ¹⁵ Ayí ripi náni rini. Sinadiņj Kiraiso Gorixomi diņj naņj oweaniri ría ikeáráná naņj weariņjípiniņj imóniņipi, ayí none imóniņwini. None sinadiņj Gorixo yayí winariņjípiniņj imóniņwápi neáa nuríná ámá Gorixo yeáyí oneayimixemeaniri yariģiáýf tńj e neáa uri ámá nanínaniri yariģiáýf tńj e neáa uri yariņírini. ¹⁶ Ámá maiwí nanínaniro yariģiáýf xwiyá wáf rimeariņwápi aría niwiróná “Anínaníwárfani?” yaiwipíri náni piyaņj peariģiápiņiņj weariņírini. E neri aí ámá Gorixo yeáyí neayimixemeáwiniginiri wimónariģiáýf xwiyá api aría niwiróná “Diņj niyimiņj tńjwaéne imónaníwárfani?” yaiwipíri náni sinadiņj siņj ņweapíriápiņiņj weariņírini. Xwiyá api wáf nirimeríná e epaxýf giyírini? ¹⁷ E epaxí imóniņwáyf, ayí nonerini. Ayí ripi náni rini. Ámá obaxí xwiyápi wáf nirimeríná “Negí yariņwápimi dáni niģwí meani náni ría yariņwini?” niyaiwiro úrapí yariģiápa wí miyariņwáonerini. Xwiyápi wáf nirimeríná nepáni nimóniri Gorixo api e érixiniri neariþeanjpi tńni xixeni niriri yariņwárfini. Kiraiso tńni nikárinimáná Gorixoyá siņwí tńj e dáni rariņwá eņagi náni “E epaxí imóniņwáyf, ayí nonerini.” seariņjini.

**“Xwiyá siņj réroárininiņipi náni wáf
wurimeariņwáonerini.” uriņj náni rini.**

3 ¹ Nioni e seariņjagi náni seyíné “Porowa ámi rixa weyí meariņariņoi.” riseaimónarini? Oweoi, seyíné none wáf nirimeranéná yariņwápi náni niģiá imónipíri náni ámá wí seáyí e nineamíeyoaro “Porowa wáf nirimeríná imiriņj miyariģiáwarini.” niriro payí wina neaeaiariģonemani. Ámá wí eni none yariņwápi náni niģiá imónipíri náni seyíné “Porowa e yariģiáwarini.” niriro payí wina neaeaiariģonemani. Wa náni e niriro payí weaipaxí aiwi none náni wí e niriri payí neaeaipaxímani. ² Payí “Porowa e imóniģiáwarini.” niriniri eániņjípiniņj seyíné rixa imóniņoi. Negí payíniņj imóniģiáýf né negí mimáyo tiniņagwi náni wí peá seamopaxýf némani. Payíniņj seyíné imóniģiápi ámá níni niģiá nimóniro íá roariģiá eņagi náni rariņjini. ³ Payíniņj seyíné imóniģiápi siwá réniņj inariģiárfini. Kiraiso xewaniņo niriri eaniņjípiniņj imóniņwini. Siwá éniņj inariģiárfini. None searéwapiyiņwápimi dáni Kiraiso payí seyíné imóniģiápiņiņj nearíná iniģf ríwamiņj eánariņjipi tńni meá ņwíá aniņj siņj imóniņoyá kwýipi tńni seaeaniřini. Moseso tńjíná Gorixo ņwí ikaxí nuriríná siģáyo eaniřpániņj meá ámáýf néyá diņjipimi seaeaniřini.

⁴None Kiraisoyá diñyo dání Gorixo náni diñj sñjá neaeánariñj eñagi náni rariñini. ⁵“Newaniñone imóniñwápimi dání wái rimeapaxí imóniñwini.” wí yaiwinipaxonemani. Wái rimepaxí imóniñwápi, ayí Gorixo neaimixiñpimi dánini e imóniñwini. ⁶O ámi siñj bi “E nisealimíárini.” niriri réroáriníñj wái nurimeipaxí imóníñrixiniri neaimixiñfrini. Siñj réroáriníñj api ámá ñwí ikaxí eániñpimi nixídiriníñpimi dání onixídípoyiniri réroáriníñjipimani. Kwíyípi nipemeámi newariñpimi dání onixídípoyiniri réroáriníñjipirini. Ñwí ikaxí eániñpimi ámá “Xixeni oxidaneyi.” niyaiwiro aí apimi wiañkiarigía eñagi náni pemixariñfrini. E neri aí xegí kwíyípi ámáyo diñj niyimiñjipi sixí umímoariñj eñagi náni xwiyía siñj réroáriníñjipi náni wái nurimeipaxí imóníñrixiniri neaimixiñfrini.

Siñj réroáriníñjipi xámi réroáriníñjipimi seáyi e wimóniñj níñirini.

⁷Gorixo xegí ñwí ikaxípi sñjá piaráyo akireñj niperi niñwirári Isireriyo mini wíáná wía xfo piripirí neri ókímixariñjipi eni siñáni wimóniñjiniñini. Api Mosesomi wía wókmixáná oyá símimañj xwinía eañjiniñini. Xwinía o eañjipi awayini awayini neayipoáa wariñagi aí axíná sini eñj tñi xwinía eariñagi náni arfowa siñwí mimiñj winariñagi náni siñwí miwinipaxí imónagíárini. Ñwí ikaxí eániñj api, ámá pemixariñj imóniñjipi uráraná Gorixoyá wía piripirí neri ókímixariñjipi tñi eni siñáni imóniñj eñagi náni ⁸“Xwiyía siñj re réroáriníñj ‘Kwíyípi ámaéne anani nineaáñiri diñj niyimiñj tñjwaéne neaimixipaxífrini.’ riniñjipi ñwí ikaxí eániñjipimi wíárí nimúrori wía mókímixipaxí imónini.” riseaimónarini? ⁹Xámi réroáriníñjipi —Apimi dání ámá aníñipíría náni xwiyía meárinariñjipirini. Api awiaxí imónagí aiwi siñj réroáriníñjipi —Apimi dání Gorixo “Ámá wé rónigíáyirini.” rárinía náni imóniñjipirini. Api xámi réroáriníñjipimi seáyi e niwimóniri aga awiaxí imónini. ¹⁰Re ripaxífrini, “Xámi réroáriníñjipi awiaxí aiwi siñj réroáriníñjipi sogwíyo uyíwí miáróáná peá unariñjipa peá umixiñj eñagi náni rixa supikínáriñjagíñj imóniñjfrini.” ripaxífrini. ¹¹Ayí ripi náni e ripaxífrini. Xwiyía xámi réroáriníñjipi —Api opíñagwía neayipoáa wariñjipániñj imóniñjipirini. Api awiaxí imónagí aiwi xwiyía siñj réroáriníñjipi —Api yaxwí miréóariniñj aniñj réroáriníñjipirini. Api awiaxí nimóniri xámi imóniñjipimi aga wíárí seáyi e múróniñj eñagi náni rariñjini.

¹²None “Xwiyía siñj réroáriníñjipi wí neayipoáa unía menini.” niyaiwirane diñj sñjá neaeániñagi náni wái nirimeranéná ayá igigí bi mé rimeariñwárinini. ¹³None Moseso yagípa wí yariñwáonemani. O re yagorini. Xegí símimañjyo dání xwinía eañjipi neayipoáa waríná gí Isireriyí siñwí minanipa oépoyiniri símimañjyo rapirapí aximíó bi tñi rití inagífrini. ¹⁴E searariñagi aiwi wigí diñj wakísí inagífrini. Ai síá riyi tñj e náni gíni gíná xwiyía xámi réroáriníñjipi íá uroíáná rapirapí aximíó axípi

tíniniŋí wíǵí diŋíyo sini ikwarimoárinini. Ayí ripi náni wíǵí diŋíyo sini ikwárimoárinini. Ámá Kiraiso tǵni nawíni nikáriniriŋípimi dáni rapirapí aximíopi Gorixo yípimoariŋírini. ¹⁵E neri aí ǵí Isireriyí ǵíni ǵíná enǵná dáni síá riyi tǵńí e náni ŋwí ikaxí Moseso eaŋipi íá niroríná rapirapí aximíó bi sini wíǵí diŋíyo ikwarimoárinini. ¹⁶Sini wíǵí diŋíyo ikwarimoárininiŋagi aiwi Ámináo tǵámimi nikininimóniri diŋí niwikwírorínáyí, rapirapí wíǵí diŋíyo ikwarimoárininiŋípiniŋí yípimónarigíárini. ¹⁷Áminá tǵámimi kinimónipírío, ayí Gorixoyá kwíyípirini. O xwíyía siŋí niréroáriríná kwíyí api náni réroáriŋírini. Ámináo yá kwíyí api ámá ǵiyo niwaínirínáyí, ayí ŋwí ikaxí eániŋípimi dáni áxeŋwarí minigíáyí imónipaxírini. ¹⁸Ayináni Ámináomi diŋí wikwíroariŋwá nineneni xío imóniŋípí náni siwániŋí niwiniranéná negí símimaŋí rití bi mininiŋagi náni wía Ámináo ónariŋípí negí símimaŋíyo dáni xwiníaniŋí weámixariŋírini. E neríná nene wía xío seáyí e nimóniri ónariŋípí tǵni xixeni imónaniwá náni wía ámi bi ámi bi nóǵániŋí wariŋwini. Ámináo ayí kwíyípirini. Apimi dáni xío imóniŋípíniŋí nimóga wariŋwini.

“Wái urariŋwápimi dáni Gorixo wía wókímixariŋírini.” uriniŋí nánirini.

4 ¹Ayináni Gorixo wá nineawianiriŋípimi dáni xío imóniŋípí náni ámáyo siwániŋí winíwaniginiri nearípeáagi náni sini aniŋí ayá ría neawearini. ²E neri aí ámá ayá neaininiginiri ínimi yarigíápi wí “Anani oyaneyi.” rariŋwámani. Ináyiniŋí nimóniri yapí owiepisaneyiniri wí yariŋwámani. Xwíyía Gorixoyápi eni niriranéná naíroayiri neri rariŋwámani. Api api mepa nerane sa xwíyía nepaxiŋí imóniŋípí siŋáni wía rókiamoariŋagwi ámá e siŋwí nineaniróná “Awa apáni yariŋoi.” neaiawipíría náni Gorixoyá siŋwí neaniŋe dáni e yariŋwárinini. ³Xwíyía yayí neainariŋí none wái urariŋwápi ritíniŋí niwinirínáyí, sa ámá anínaniro yarigíáyo ritíniŋí winariŋírini. ⁴Ayí ripi náni ritíniŋí winariŋírini. Xwíyía Kiraiso —O pí pí Gorixo imóniŋípí tǵni xixeni axípi imóniŋorini. Xwíyía o wá nineawianiri seáyí e imóniŋí neaiŋípí wía neaókímixariŋírini. Xwíyía yayí neainariŋí api nánipi ámá Kiraisomi diŋí miwikwíró anínaniro náni yarigíáyo wía miwókímixipa oeniri wíǵí ŋwía imóniŋo —O, ayí oborini. O diŋí píripírí wiŋí eŋagi náni xwíyía api ritíniŋí winariŋírini. ⁵None wái nuriranéná newaniŋone seáyí e oimónaneyiniri náni wái urariŋwámani. Jisasi Kiraiso náni “Negí Ámináorini.” urirane none náni “Jisasomi xídariŋwá eŋagi náni segí sénáíwanéniŋí nimónirane omiŋí seaiariŋwáone imóniŋwini.” urirane yariŋwárinini. ⁶Ayí ripi náni e yariŋwárinini. Gorixo —O amipí náni iwamíó nimixiríná “Sía yikiáriŋípí wía oónini.” riŋorini. Ripi yariŋo, ayí eni axorini. O wá nineawianiri seáyí e neaiŋípí —Api Kiraisoyá símimaŋíyo dáni xwiníaniŋí neaeámixariŋípírinini. Api náni niŋíá oimónipoyiniri negí diŋíyo wía neaókímixariŋírini. E neaiŋo, ayí axo eŋagi náni rariŋini.

**“Xeaniŋí neámeaariŋagi aí wái rani náni sini
ayá ría neawearini.” uriŋí nánirini.**

⁷Wái nurimeírixiniri nearípeaŋípi, ayí ayá tíŋípiŋiŋi imóniŋípirini. Api tíŋwáone eŋí meání xwáriá sixí xwíá tñi imixiniŋiŋiŋi nimónirane samíŋi imóniŋwáonerini. Ámá aríá nineairóná re yaiwipíri náni e imóniŋwáonerini, “Eŋí eániŋí seáyi e imóniŋí xwiyíá yayí neainariŋípimi dáni neámeáípi wái rimeariŋíáwayámani. Sa Gorixoyárinini.” yaiwipíri náni samíŋí e imóniŋwáonerini. ⁸Xeaniŋí xixegíni neaikáriŋagi aiwi sumíniŋi imóniŋwáonemani. Waíná neámeáípi náni ududí neainariŋagi aiwi negí diŋí aniŋí niyoámiga mineauŋonerini. ⁹Ámá wí mixí neaxídwáriagi aiwi Gorixo wí neaiepisamoariŋonemani. Iwaní nineaeari neatíagi aiwi aniŋí eaniramori weariŋwáonemani. ¹⁰Íníná wái nirimeranéná ripi niyaiwirane yariŋwáonerini, “Negí Jisasomi pikigíápa none eni nineapikirínáyí, ananirini.” niyaiwirane yariŋwáonerini. Ámáyi none e yariŋagwi siŋwí nineaniróná “Jisaso niperi aiwi ámi siŋí nimóniri ŋweaŋagi náni ría yariŋoi?” yaiwipíri náni api e yariŋwáonerini. ¹¹Íníná xwíá tíyo ami gimi nemeranéná Jisasomi xídariŋwáone eŋagi náni yoí mayí nimónirane emeariŋwárinini. Ámáyi wará pepaxí tíŋí imóniŋwáone yoí mayí nimóniri yariŋagwi nineaniróná “Jisaso ámi siŋí nimóniri aŋínami ŋweaŋagi náni ría yariŋoi?” yaiwipíri náni e nimóniri emeariŋwárinini. ¹²Ayináni ripi ripaxírini, “None wái nirimeranéná nineaxeanipaxí imóniŋwáonerini. E neri aí e imóniŋwápimi dáni seyíne rixa diŋí niyimiŋí tígiáyíne imóniŋoi.” ripaxírini.

¹³Ámá wo, Bikwíyo dáni “Nioni Gorixomi diŋí niwikwírori náni ámáyo uriŋanigini.” riniŋo diŋí wikwíroagípa none eni axípi e wikwíroariŋwáonerini. Ayináni Jisasomi diŋí niwikwírorane náni xwiyíá yayí neainariŋípi ámáyo wái urariŋwárinini. ¹⁴Nijíá re imóniŋagwi náni wái urariŋwárinini. Áminá Jisaso xwáripáyo dáni owiápiŋimeaniri siŋí wimixiŋo none eni xíomi siŋí wimixiŋípa axípi siŋí nineaimixiri seyíne tñi nawíni gwiaumí nineairi Jisaso tíŋí e neawáriníárinini. Nijíá e imóniŋagwi náni wái urariŋwárinini. ¹⁵Ayí seyíne naŋí oseaiianeyiniri náni yoí mayí imónirane neaxeanipaxí imónirane yariŋwárinini. Ámá Gorixoyá xío wá niwianiriŋípimi dáni sayá nimóga nuróná ayí omi yayí ayá wí niwiera warigíápimi dáni “Gorixo seáyi e imóniŋoríani?” waiwipaxí imóníwiniginiri yoí mayí imónirane neaxeanipaxí imónirane yariŋwárinini.

**“Aŋínami dáni neámeaníápi símimaŋí e nitinirane
náni diŋí sixí ínariŋwárinini.” uriŋí nánirini.**

¹⁶None api náni diŋí nimorane náni Kiraiso náni wái urani náni sini ayá ría neawearini. Negí warápi xeaniŋí neámeaariŋípimi dáni

rixa sipí nimóga wariqagi aí diñípini síá ayí ayo siñj bí sixí ínariñírini. 17 Ayí ripi náni síá ayí ayo negí diñípi siñj bí sixí ínariñírini. Xeaniñj agwi ríná neaímeaípimi xwámámí niwiéra úwáyí náni Gorixo yeáyí nineayimixemearíná seáyí e imóniñipi neaiiníáriní. Api náni diñj nimoranéná “Xeaniñj none neaímeaariñipi axíná ná biníniñj neaímeari onimiápiániñj neaímeari yariñjíríani?” niyaiwirane peayí wianariñwáriní. “Sa sipí agwi ríná neaímeaariñipi náni diñj aríá ikeamopaxípi tñi xixeni Gorixo nañj neaiiníámani. Ámi wiárfí imóniñj bí tñi neaiiníáriní.” yaiwariñwáriní. 18 Ayí sipí agwi ríná neaímeaariñipi —Api siñwí tñi siñwí winipaxí imóniñjírini. Apimi siñwí niwiniranéná e yaiwariñwámani. Amipí ríwíyo Gorixo yeáyí nineayimixemearíná neaímeañípi —Api agwi nene siñwí tñi siñwí winipaxí mimóniñjírini. Api símimanñj e nitiniríná e yaiwariñwáriní. Ayí ripi náni rariñjini. Siñwí tñi agwi ríná winariñwápi aniñj maríái bí onimiápi imóniníáriní. E neri aí agwi ríná siñwí tñi miwinariñwápi íníná aniñj imóniníá eñagi náni rariñjini.

“Wará siñj imónaníwápi náni diñj nimoriñjípimi dání diñj sixí ínariñwáriní.” uriqj nánirini.

5 1 Nene nijjá re imóniñjagwi náni ríwíyo neaímeañípi símimanñj e tñiñwini. Xwíá tño niñwearanéná seníá añño ñweaariñwápi —Ayí negí warápi náni rariñjini. Niðerane negí warápi rixa niðineamioaríniñj neríná negí diñípi sixí ínáníwá náni añj Gorixo neaimixiyiñj wiwániñj imónini. Wará api ámá imixigíámani. Gorixo imixiñj eañagi náni aññami íníná aniñj miní imóniníápirini. 2 Wará agwi ríná negí diñípi sixí ínñwápipimi sini sixí nínirane xwíá tño niñwearanéná wará siñj aññami imóniñj negí diñípi sixí wínaníwápipimi owínaneyiniri náni yeyíniñj niðirane ñweañwini. 3 Wará siñjípimi negí diñípi sixí niwíniranéná wará mayí nimónirane diñípini miñweapa yaníwá eñagi náni apimi sixí owínaneyiniri yeyíniñj rariñwáriní. 4 Wará agwi diñj sixí ínñwápipimi sini níniranéná wará sañj neaunariñagi náni yeyíniñj rariñwáriní. Diñjípini nimóniri oñweaneyiniri miðariñwini. Ayí wará niyimiñj imóniñjipi niðepaxí imóniñjípimi rití eníá náni wará aññami imóniñjípimi sixí niwínirane oñweaneyiniri yeyíniñj rariñwáriní. 5 Wará siñjípimi sixí wínaníwá náni neaipimoño, ayí Gorixorini. O “Wará siñjípimi sixí wínaníwá náni rixa neaipimoáriñjeneríani?” oyaiwípoyniri xegí kwíyipi nineaiapiri ikiyiniñj neaiáriñjírini. 6 Ayínáni pí pí xeaniñj neaímeaariñagi aiwi diñj e nimoriñjípimi dání diñj sixí níga wariñwáriní. Nene nijjírini. Sini wará xwíá tño niñwearíná imóniñwápipimi sixí níniranéná Ámináo tñj e miñweañwini. 7 Omi negí siñwí tí tñi siñwí niwíniriñjípimi dání bí eñj sixí nínirane mé sa diñj niwíkwíroriñjípimi dání eñj sixí nínirane yariñjagwi náni rariñjini. 8 “Sini

wará urí epaxí imóniñí ripimi ñiñí sixí niwínirane wáf raníwá nání ñiñí sixí ñiñiwini.” niseariri aí negí ñiñipi wará ripimi dání niyoámiga nuri Ámináo tñí e oñweaniri aga neaimónariñirini. ⁹ Ayináni xío tñí e ñweaaníwáínarani, sini xío tñi miñweá xwíá tño niñwearanénarani, “E éwanigini.” yaiwariñwápi, ayí ripirini, “Xío yayí winipaxí imóniñipini éwanigini.” ¹⁰ Ayí ripi nání e yaiwariñwárinini. Kiraiso áamá niyoní siñwí mí ómómiximí neríná nineneni eni siñwí mí ómómiximí neainiá engagi nání xioyá símimaní tñí e dání éí roaníwárinini. Xwíá tño niñwearíná wini wine naní imóniñipirani, sipí imóniñipirani, eñwápi tñi xixeni pirí neamamoníá engagi nání sini xwíá tño niñwearanéná “Xío yayí winipaxípi éwanigini.” yaiwariñwárinini.

“Áamá siñíñiñí imóniñiwini.” uriñí nánirini.

¹¹ Nene “Áminá Jisaso siñwí mí ómómiximí neainíárinini.” niyaiwiri niñiá e nimónirane nání wáyí neainariñirini. Ayináni áamá nikinimóniro omi ñiñí owikwírópoyiniri wáf nurimeranéná píraníñí aríáyo nurémóa wariñwárinini. Gorixoyá siñwíyo dání rixa siñáni piaumimí iníñagwi nání o none yariñwá nipini nání xixeni niñiá imónini. Seyíné eni none nání ñiñí ñimoróná re oneaiaiwípoyniri ñiñí wikwímoñwini, “Porowa ñiñí ñnimi nikwírónimáná miyarigíárinini. Wigí yariñíápi wí ñnimi mimóní nipini siñáni piaumimí ría inini?” oneaiaiwípoyniri ñiñí wikwímoñwini. ¹² None e seariñagwi nání “Porowa rixa api mimónigíáwa engagi nání ámi weyí mearinariñoi.” riseaimónarini? Oweoi, wí e miyaríñwini. Sa seyíné none yariñwápi nání rixa niñiá xixeni nimónimáná ripi oépoyniri searariñwini. Seyíné áamá wí tñi —Áamá siñwí manigie dání yariñíápi nání ñiñí mamó sa áamá siñwí anigie dánini yariñíápi nání “Naní imónigíáyirini.” moarigíáyirini. Seyíné áamá ñiñí e moarigíáyí tñi xwiyíá niriniróná none mixí nineameakníro wa none nání xeñwí rariñíápi oyanípoyniri searariñwini. ¹³ Áamá wí “Porowa majimajíá nikáriniro yariñíáwarini.” rariñíápi “Ayí neparini.” niseaimónirínáyí, re yaiwíñixini, “Sa Gorixomi oxidaneyiniri nero nání e ría imóniñoi?” yaiwíñixini. “Porowa ñiñí píraníñí íá nixirimáná yariñoi.” niseaimónirínáyí, “Awa nene arirá neaipíría nání e ría imóniñoi?” yaiwíñixini. ¹⁴ Pípi nání ñiñí ñimoriñipimi dání nipíreániri yariñwámáni. Kiraiso wá nineawianiri neaiñipi nánini ñiñí ñimoriñipimi dání nipíreániri xámi sipí néra wagwápi píni niwiáriri yariñwárinini. O niperíná áamá nñi nání wayíá peñí engagi nání ñiñí re yaiwiáríñwini, “Apimi dání áamá nñi niperíñiñí ría egíawixini?” yaiwiáríñwini. ¹⁵ Ayí áamá ñiñí niyimiñipi tígíáyí wiwaniñiyí nánini ñiñí nimóniro nimeniro mé arirá winiá nání nipémáná ámi wiápinimeaño xío nánini ñiñí nimoro éñixiniri áamá nñi nání wayíá peñinigini.

¹⁶ Ayináni Jisasomi ñiñí wikwíroñwá ríná dání áamá womi siñwí mí niwómixirane “E imóniñorñani?” niwíaiwiríná warárimini siñwí

niwinirane mí wómixariŋwámani. Ayí neparini. Xámi none Kiraisomi siŋwí mí niwómixiranéná warárímini siŋwí niwinirane “Nipikwini meŋorini.” niwaiwirane aí agwi sini wí e siŋwí mí niwómixirane yaiwiaríŋwámani. ¹⁷Ámá go go Kiraiso t́ni nawíni nikáriniríná ámá siŋí wóniŋí imóniniŋoi. Ai, e nimóniríná sipí xámi imónagípi rixa naníniri siŋí bí imóniniŋoi.

“Ámá níni ámi xío t́ni gwiaumí inipíri náni wimixiŋírini.” uriŋí nánirini.

¹⁸Ámá siŋí imóniŋwápi náni ḿkí ikiŋo, ayí Gorixorini. O Kiraiso neaiiŋípimi dáni niyopiýárimáná xíomi símí t́ni wiaríŋwaéne ámi ámá xíoyá imónani náni neaimixiŋírini. E neri none eni ámáyo áwaŋí re urimeaaníwá náni, “Ámá sini xíomi símí t́ni wiarigíáyíné ámi ámá xíoyá imónipíri náni rixa seaimixiŋírini.” Áwaŋí e urimeaaníwá náni nearípeaŋírini. ¹⁹Nioni searariŋápi, ayí ripirini. Gorixo xegí xewaxo Kiraiso neaiiŋípimi dáni ámá níni ámi xío t́ni nawíni imónífrixiniri neaiiminiri yarini. Nene wiaŋkiŋwápi sini diŋí íá mixirí rixa yokwarimí nineaári náni peá moni. Api neri none eni wáí nurimeranéná xwiýá re riniŋípi, “Gorixo rixa neaiiŋípimi dáni ámi xío t́ni nawíni imónipaxírini.” riniŋípi urífrixiniri nearípeaŋírini. ²⁰Ayináni none xwiýá Kiraiso yaŋí neaiapowáriŋípi wuriyariŋwáonerini. Noneyá maŋíyo dáni uraríná Gorixo xewaníŋo einíniŋí urariŋírini. Ámáyo Kiraiso náni rixiŋí re wuriyariŋwárini, “Gorixomi símí t́ni wiarigíáyíné ámá xío t́ni anani gwiaumí inani náni xe oneaimixiniri siŋwí winípoi.” wuriyariŋwárini. ²¹Ayí ripi náni e wuriyariŋwárini. O íwí bí meŋo aí Gorixo none o t́ni nikáriniŋípimi dáni ámá xío “Wé rónigíáyírini.” ráriníáyí imónífrixiniri omi negí íwí yariŋwápi niŋwirárirí íwí yariŋí wóniŋí niwimixiri xe opikípoiŋiri siŋwí winiŋinigiŋi.

Wáí wurimeiarigíawami wímeaariŋípi nánirini.

6 ¹Ámá xío t́ni nawíni gwiaumí inipíri náni o t́ni nawíni yariŋwáone eŋagwi náni eŋí rirémixí niseairiri ripi osearaneyi, “Gorixo wá seawianiŋíyíné xe surímá oneaímeaniri mepani.” osearaneyi. ²Ayí Bíkwíyo ripi niriniri eániŋagi náni searariŋwini, “Gorixoní rixiŋí seyíné nitarigíápi aría seaipaxíná rixa aría seaŋanigini. Sía ámáyíné yeáyí seayimixemeámía náni imónáná rixa arirá seaŋanigini.” Api Bíkwíyo niriniri eániŋagi náni píraníŋí aría ókiarí nimónípoi. Gorixo aría neaipaxíná, ayí rínáriní. Sía o yeáyí neayimixemeanía náni imóniŋíyí, ayí riýirini. Ayináni “Gorixo wá nineawianiri neaiiŋípi xe surímá oneaímeaniri mepani.” searariŋwini. ³Wáí wurimeiaríŋwáone nemeranéná negí yariŋwápi náni xwiýá míneameariŋpaxí oimónaneyiniri ámá none yariŋagwi siŋwí nineaniróná óréamioapaxí imóniŋípi bí yariŋagwi siŋwí míneanipa oépoiŋiri aniŋí

imóniņipini yarigiáýí tñi maņí wiaŋkiarigiáýí tñi axípini epíría náni imónipaxi imónini.” riseaimónarini? “Axíná wía óniri síá yiniri epaxírini.” riseaimónarini? ¹⁵“Kiraiso tñi Obo tñi diņí axípini xiriņi.” riseaimónarini? “Kraisomi diņí wikwírogíáýí diņí moro diņí miwikwírogíáýí diņí moro neróná axípi bi mopaxírini.” riseaimónarini? ¹⁶“Gorixoyá aņí ŋwía —Iwámi dáni nene yayí umeariņwáiwárini. Iwá tñi ŋwía áamá meņwearigiápi tñi anani axí e kumixáripaxírini.” riseaimónarini? Oweoi, nene Ŋwía aņiņi siņi imóniņoyá aņí ŋwíaiwániņi imóniņagwi náni wí e yaiwipaxímani. Nioni searariņápi Gorixo xewaniņo riņi ripi tñi xixeni searariņini, “Nioni gí ámayí tñi nawíni darónimíárini. Nioni wigí Ŋwíaoni imóniņáná ayí gí ámayí imónipíríárini.” Ámináo e niriri náni ¹⁷ámá xegí imónigiáyo ripi eni uriņírini, “Ámá Gorixoni diņí minikwíro wigí ŋwíayo xidarigiáýí tñi e dáni nimixeáminimi xegí bi imónigiáýíne imónírixini.’ Ámináoni e searariņini. ‘Wigí ŋwía imóniņipimi —Apimi dáni piaxí seaeáni paxí imóniņipimirini. Apimi bi onimiá amái miróni aņiņi wé íá ayimeaeńírixini. Seyíne e nerónáyí, nioni anani seamíminimíárini. ¹⁸Nioni segí áponi imóniņáná seyíne gí niaíwí oxoyíne imóniro niaíwí apixíwayíne imóniro epíríárini.’ Ámináoni —Nioni eņi eáni gíá niyoni seáyí e wimóniņáonirini. Nioni e rariņini.” Xwiyía api Bikwíyo niriniri eániņagi náni “Jisasomi diņí miwikwíroarigiáýí tñi wigí yarigiápi oyaneyiniri wí gwí mimónipani.” searariņini.

7 ¹Negí diņí sixí seayiņwáyíne, Gorixo negí símimaņí e dániniņi e neariņi eņagi náni ámaéne pí pí ayá neadunipaxi yariņwápi, diņí piaxí neaeámixariņipirani, wará piaxí neaeámixariņipirani, niņini igiániņi oeáminaneyi. Gorixomi wáyí niwiriņipimi dáni siyikwí míniņwaéne oimónaneyiniri wé roárfwanigini.

Koriniyo ŋweáyí kinimónigiá eņagi náni Poro yayí winiņi nánirini.

²Seyíne none diņí sixí neayıpoyi. Ayí ripi náni rariņini. Segíyí womi ał sipí bi miwikáriņwárini. Segíyí womi sipí bi wikáriņwámani. Womi amipí bi íwí urápiņwámani. ³Nioni e niriríná “Poro xwiyía neamearimini ri rariņi.” riseaimónarini? Oweoi, nioni rixa re searáriárini, “None diņí sixí ayá wí seayiņwáone eņagi náni seyíne péánáyí, none eni ni pēpaxí neainíárini. Seyíne sini ŋweaņáná none eni sini ŋweapaxí neaimóniniárini.” seararía eņagi náni wí e seaimónipaxímani. ⁴Seyíne xámi seariņápi xídipíría náni bi onimiápi mariái, aga diņí ayá wí síņá neánarini. Seyíne náni mixí niseameakíniríná eni ayá wí seameakínariņárini. Xeaniņi níni none neámeámi seyíne náni diņí nimoriņipimi dáni awayini ikiņwániņi nimiriniri diņí ayá wí níá ninariņirini.

⁵None aņí Tirowasiyo pñi niwiárimi ni puri Masedonia piropeni síyo nírémómáná ał kikiíá ŋweapaxí bi míneámeá ripi ripi oyaneyiniri éwáyí

sipíni sipíni neámeearíná áamá wí tñi xwiyíá ximiximí niniri nirinirane negí xwioxíyo dání wáyí neainiri yariŋagwi aiwi ⁶Gorixo —O áamá rixa yopa nimeginiriŋípimi dání diŋí sixí mínigíáyo miŋí ikiŋwíniŋí umirariŋorini. O Taitaso ámi neámeáípimi dání miŋí ikiŋwíniŋí neamiriŋírini. ⁷Taitaso neámeáípimi dánini Gorixo miŋí ikiŋwíniŋí neamiriŋímani. Seyíné omi numíminiŋiŋi miŋí ikiŋwí umirigíápi nání repiyí nínearíná apimi dání eni Gorixo ikiŋwíniŋí neamiriŋírini. Taitaso repiyí nínearíná seyíné Poriŋí ámi siŋwí nananiŋiŋi nání íkíniŋí sipí seaiariŋípi nání repiyí neairi “Negí nipikwini miyariŋwápimi dání Poromi ayá ría wimoariŋwini?” niyaiwiro nání ŋwí eariŋigíápi nání repiyí neairi Poriŋí aríá nianiro nání sini ayá ría seaweariŋípi nání repiyí neairi eŋí eŋagi nání ámi aga yayí seáyimi dání bi tñi nininiginini. ⁸Payí xámi nioni neari seamónapiŋána íá nioróná aga diŋí sipí seaiŋí eŋagi aiwi “Nioni ana pí nání neari wiowariŋáríani?” niyaiwiri diŋí sipí niŋímani. E neri af seyíné íá nioróná axínáni diŋí sipí seainariŋagi siŋwí niseaniríná nioni eni diŋí sipí bi onimiápi niŋiniginini. ⁹E neri af agwi nioni yayí ninarini. Seyíné diŋí sipí seaípi nánini yayí mininí ayí diŋí sipí seaípi dání segí sipí yariŋigíápi ríwímini mamóíá eŋagi nání yayí ninarini. Seyíné diŋí sipí niseairíná ayí Gorixo seaimixariŋípi tñi xixeni seaí eŋagi nání xwiyíá none searíwápimi dání wí xwiríá miseaikixéwá eŋagi nání rariŋini. ¹⁰Ayí ripi nání searariŋini. Áamá diŋí sipí Gorixo wimixariŋípi tñi xixeni niwiríná apimi dání wigí sipí yariŋigíápi ríwímini mamoiŋigíarini. E neróná diŋí sipí api Gorixo yeáyí uyimixemeanía nání nipemeámi wariŋí eŋagi nání ámi diŋí sipí niwiri “Pí nání e ría yariŋini?” yaiwinipaxímani. E neri af Gorixo wimixariŋípi tñi xixeni maríái, áamá wigí diŋíyo dánini diŋí sipí niwiríná ayí wiwaniŋíyí anínipíríá nání nipemeámi wariŋí eŋagi nání rariŋini. ¹¹Ai diŋí sipí seaí gí payí eaŋápimi dání Gorixo seaimixípi, api seyíné diŋí pírániŋí nimoro amípí naŋí xixegíni epírípi seaimixíŋini. Apimi dání Gorixo aŋíni símirirí seaíáná sipí éoyá xwiyíápi mineaxínipa oeniri apaxí mé pírániŋí imixigíawixini. Apimi dání eni nipikwini miyariŋigíápi nání wikí óniniŋíawixini. Apimi dání eni Gorixo nání wáyí seaininiginini. Apimi dání eni none ámi siŋwí nananiŋiŋi nání íkíniŋí sipí seaininiginini. Apimi dání eni nioni searíápi xídipírí nání diŋí ría seaweŋiniginini. Apimi dání eni sipí yariŋigíáyo siyíkí ureaani nání oimónaneyiniŋiŋi egíawixini. Seyíné api api néra úíápimi dání siwá réniŋí neainigíawixini. Sipí éí Poro nearío nání nene wí ayá miŋí miŋí minearoarinini. Siwá éniŋí neainigíawixini. ¹²Ayináni áwaŋí ripi osearimini. Nioni neari niseamónapiŋíná sipí éo nání diŋí nimori payí ana neari mónapiŋámani. Sipí wikárío nání eni diŋí nimori neari mónapiŋámani. Ayí seyíné Gorixoyá siŋwí tñí e dání re yaiwiníŋixiniri neari mónapiŋárini, “Ayí neparini. Porowa nearigíápi mi pírániŋí xídaníwá nání nene sini diŋí ría neawearini.” yaiwiníŋixiniri

payí ana neari mónapijárini. ¹³Seyíne rixa xixeni e yaiwiníá ejaǵi náni none rixa pírániǵi miǵi ikiǵwíniǵi miráriníwáriní.

Miǵi ikiǵwíni miráriníwamáni. Diǵi nífá eni neainíirini. Seyíne niyínéni Taitasomi numíminiriǵipimi dáni diǵi sixí umímogíá ejaǵi náni o yayí néra neaímeáǵi ejaǵi náni none eni diǵi nífá ayá wí neainíirini. ¹⁴O ámi neaímeááná seyíne tíǵi e náni nurowáriníná mixí seameakiniǵápi náni bi ayá mininíárini. None seyíne tíni niǵwearíná amipí níni seariǵwápi nepáni seariǵwápa omi seyíne náni mixí niseameakiniǵá urinǵwápi eni seyíne numíminiriǵipimi dáni nepa xixeni imóniǵinigi. ¹⁵O seyíne niyínéni numíminiróná óǵi ero wáyí iníro nero pírániǵi aríá owianeyiniri imóniǵíápi náni diǵi niwiniríná ámi xwapí ayá wí diǵi sixí niseaya warini. ¹⁶Agwi nioni “Ayí pí pí neróná xixeni epíráoi.” niseaiaiwíáririri diǵi siǵá neánariǵi ejaǵi náni diǵi yayí ninarini.

**“Masedonia ǵweáyí wíniyo arirá wianiro náni
niǵwí niroaáriro ǵweaǵoi.” urinǵi nánirini.**

8 ¹Negí niriǵímeáyíne, Jisasoyá siyikí imóniǵiá Masedonia piropenisíyo aǵi api apimi ǵweaǵíáyí naǵi Gorixo wá wianinǵipimi dáni eǵíápi niǵiá imónipíri náni áwaǵi bi osearaneyi. ²Xeaniǵi rímewá wipaxípi niwímearinǵipimi dáni “Eǵi ría eániǵoi?” niriro iwamíó wíwapiyíǵiá aǵi api peá numixiro diǵi nífá ayá wí wininǵinigi. Wiwaninǵíyí uyípeayíniǵi imóniǵíáyí aiwi Jisasomi diǵi wikwíroarigíá wíniyo arirá owianeyiniri niǵwí niroaríná bi onimiápi miroá aga ayá wí roaárigíáriní. ³Wigí wíniyo arirá wianiro náni niǵwí niroaro wipaxípi tíni xixeni niroaro aiwi wigí diǵi tíni apimi nimúrooro ámi bi tíni roaariǵiá siǵwí winarowáone ejaǵi náni rariǵini. ⁴Ayí aríkí rixinǵi re nearigíawixini, “Ámá Gorixoyá siyikí imóniǵiá Judia piropenisíyo ǵweaǵíáyo wíniyí arirá wiarigíápa nene eni arirá wiani náni xe niǵwí íáyo oroápoyiniri siǵwí neanípoyi.” nearigíawixini. ⁵E neróná none “E epíráoi.” niyaiwirane diǵi ikwímoǵwápi tíni xixeni mé xámi Áminá Gorixo pí pí wimónariǵipi oxídaneyiniro nipáwimáná o wimónariǵipi nixídiróná Porowane eni neaǵwapiǵiawixini. ⁶Ayináni Taitasomi seyíne tíǵi e náni nurowáriníná eǵi rirémixí niwiri re urinǵwanigini, “Iwamíó Koriniyo ǵweáyí joxi tíni negí wíniyo arirá wianíwá náni wá niwianirane niǵwí íáyo oroaneyiniro eǵiápa ámi nero niǵwí xámi ‘Api roáwanigini.’ rárigíápi tíni xixeni yárfírixini.” urinǵwanigini. ⁷Pí pí seyíne neróná ámá wí yarigíápiimi múroarigíáyíne nimóniro yarigíáriní. Gorixomi diǵi niwikwírorónáraní, api náni ámáyo áwaǵi nurirónáraní, api náni niǵiá nimónirónáraní, Gorixo wimónariǵipi yaníro náni símí nixeadípenirónáraní, none náni diǵi sipí none seaimixiǵwápiimi dáni niseairínáraní, api nipini neróná múroarigíáyíne nimóniro yarigíá ejaǵi náni segí wíniyo arirá wianiro náni niǵwí niroaróná eni múroarigíáyí yapi nimóniro yárfírixini.

“Seyiné eni roaárfírixini.” uriñí nánirini.

8 “Poró sekaxí niriri neararini.” miyaiwipani. Gí diñí ripini eñagi searariñini. Nioni wíniyí Judia piropenisíyo ñweáyo arirá wianiro nání símí nixeadípéniro yarigíápi nání repiyí seafáná seyiné eni siwá réniñí oneaípoyiniri searariñini. Negí Judia piropenisíyo ñweáyí nání nepa diñí sipí neainarini. Siwá éniñí oneaípoyiniri searariñini. 9 Seyiné negí Áminá Jisasi Kiraiso wá nineawianiri neaiñípi nání rixa nijá imóniñagía nání rariñini. O añínami niñwearíná amipí mimúróniño nimóniri aiwi seyiné yeáyí seayimixemeámániri xwía tíyo nání nibíríná uyípeayóniñí nimóniri seyiné añínami dájí amipí mimúrónigiáyíné imónipíría nání seaiñíri.

10 Seyiné Judia piropenisíyo ñweagiáyo arirá owianeyiniri yarigíápi nání diñí nioniyá, ayí ripirini. Xwiogwí aga xámi pweñomi seyiné iwamíó ñigwí roaárigíápi agwi néra nuro yoparípi niyárirínáyí, “Ayí ananirini.” nimónarini. Iwamíó ñigwí roaárigíáyí, ayí seyiné aiwi xámi oyaneyiniri wimónarigiáyí, ayí axíyíné eñagi nání searariñini. 11 Ayináni ñigwí “Apí oroaneyí.” rárigíápi rixa nipini roaárfipoyí. Iwamíó oyaneyiniríná diñí ría seaweñípa yoparípi niroaáriríná seyiné roaáripaxí imóniñípi tñi xixeni roaáripíría nání xe diñí ría seawéwinigini. 12 Ayí ripi nání searariñini. Giyí giyí áamá wíyo arirá wianiro nání “Ñigwí apí roaárfíwanigini.” niyaiwimáná amipí roaáripaxí imóniñípi tñi xixeni roaáranáyí, Gorixo “Ayí ananirini.” wiaiwiariñirini. Amipí ayí miroaáripaxí imóniñípi “Roaárfírixini.” wí yaiwiariñomani. 13 Ñigwí searápipíríáyí kikiá ñweapíría nání seyiné añiñí seaikáriminiri neri mirariñini. Ayí eni seyiné tñi xixeni apáni tígiáyí oimónipoyiniri rariñini. 14 Jisasoyá siyikí imónigiáyí wí amipí wí mimúrónigiáyí imóniñáná wí dówí ikeamónigiáyí mimóní níní apáni tígiáyí imónipíría nání agwi ríná amipí ayá wí seyiné tígiápi dówí ikeamónigiáyo arirá wiariñoi. Seyiné eni ríwéná amipí wí nání dówí ikeamóniro ayí eni amipí ayá wí tígiáyí imóniro nerínáyí, arirá seapíríárini. 15 Bikwíyo dání eñíná Isireriyí áamá diñí meañe nemeróná egíápi nání re niriniri eániñípi nioni searariñápi tñi xixeni imóniñagí nání searariñini, “Áamá aiwá manái riniñípi xwé meáíáyí xwé ñimearo aí wigí nipaxí imóniñípi seáyí e tígiáyí mimónigiáwixini. Áamá onímiápi meáíáyí onímiápi ñimearo aí aiwápi nání dówí ikeamónigiáyí mimónigiáwixini.” niriniri eániñípi nioni searariñápi tñi xixeni imóniñagí nání rariñini.

“Taitasomi tñi áamá waúmi tñi uowárenaparini.” uriñí nánirini.

16 Nioni seyiné arirá seaimi nání diñí ría niweariñípa Gorixo Taitaso eni seyiné arirá seaini nání diñí ría oweniri wimixariñagí nání yayí owianeyí. 17 Ayí ripi nání “Taitaso eni seyiné arirá seaini nání

diñj ríá wearini.” searariñjini. “Joxi Koriniyo ñweáyí tñj e nání ámi nineaupaxoxirani?” uráná “Ananirini.” ríí eñagi nánini misearariñjini. Xewaniño eni “Oumini.” niyaiwiri símí nixeadípéniri nání xegí diñj tñi seyíne tñj e nání bariñagi nání searariñjini. ¹⁸None omi tñi negí nixixímeáyí womi tñi eni urowárariñwini. O xwiýá yayí neainariñjipi wáí nurimeríná eñjipi nání Jisasoyá siyikí imónigíá ami gimi ñweagíáyí nijíá niniro íá earóarinigíforini. ¹⁹O apini imóniñomani. Ripi eni imóniñorini. Jisasoya siyikí imónigíá Masedonia piropenisí tño ñweagíáyí o none Judia piropenisíyo ñweáyo arirá wianíwá nání nigwí Jisasoyá siyikí imónigíá api apimi urápimearíná Porowa tñi nawíni nikumixiniri eméwiniginiri urípeáforini. Ámá wí none nigwí awí eaameariñagwi nineaniróná Ámináomi seáyi e uméyoaro none nání “Wigí wíniyo arirá wipíri nání diñj ríá wearigíáwaríani?” neaiawiro epíria nání ripi yariñwini. ²⁰Díwí ikeamónigíá nání nigwí yanj ewanií nimóniro xwéni xwéni niroaro neaiapowáráná yariñwápi nání ámá wí “Porowa nipikwini miyariñjoi.” neamearipírixiniri píraníñj niñwiperane ámá o tñi nawíni urápimeariñwini. ²¹None pí pí oyaneyiniri neranéná Ámináo “Ayí e neróná wé róníñj imóniñjipi yariñjoi.” yaiwiaríñjipi nání diñj nimorane aiwi api nánini diñj nimorane yariñwáonemani. Ámá “E neróná wé róníñj imóniñjipi yariñjoi.” yaiwiarigíápi nání eni diñj nimorane yariñwáone eñagi nání searariñwini.

²²Awaú tñi negí nixixímeá ámi womi tñi eni urowárénapariñwini. “O none pí pí urariñwápi xixeni xídiniríeníñjoi?” niyaiwirane “Api ei. Api ei.” uriñwápimi dání iwamíó wíwapiyayíáná o aríkí xixeni xídaríñagi winiñwáorini. O seyíne “Nigwí api roaáriwanigini.” rárigíápi tñi “Xixeni niroaáripíráoi.” niyaiwiri diñj síñj weánariñagi nání “Nioni eni sañj urínarómíni.” niyaiwiri awaú tñi barini. ²³Taitaso nání seyíne rixa nijíá imóniñjoi. O xwiýá yayí neainariñjipi wáí urimeaaníwi nání gí gwí mónigwíí worini. Seyíne seáyi seaiianirai nání nawíni nimóniri yariñwíí worini. O tñi nawíni barigífwáú awaú Jisasoyá siyikí imónigíá piropenisí tño ñweagíáyí urowaríáwaurini. Egí nerigíápi dání Kiraisomi seáyi e uméyoaarigífwaurini. ²⁴Ayináni ámá wáú wo awa nibiro siñwí seaniñáná “Nene ámáyo diñj sipí wiariñwaenerini.” rarigíápi “Neparini.” oyaiwípoyiniri api e iwamíó érixini. Seyíne e éánáyí Jisasoyá siyikí imónigíá api api seyíne nání re seaiawipíráriñjini, “Ayí ámáyo diñj sipí niwiri wiariñwáwíriñjini?” yaiwipíráriñjini. None seyíne nání mixí nimeakíniri uriñwápi nání eni “Apáni nearigíawixini.” yaiwipíráriñjini.

Nigwí arirá wianiro nání awí eaameariñjipi nání uriñj nánirini.

9 ¹Nigwí Judia piropenisí ñweáyo arirá wiani nání awí eaameariñwápi nání payí ripi seyíne nání niriri nearíná “Míkí meñagi nání surímá niriri ríá eaariñjini?” nimónarini. ²Seyíne api yaniro

náni diŋí ría seaweariŋipi náni nijía nimóniri náni e nimónarini. Íníná Jisasoyá siyikí imónigíá Masedonia piropenisí tíyo ŋweagiáyí aríá egíe dáni weyí niseameariríná re rayariŋwárini, “Xwiogwí xámi pweagomi Jisasoyá siyikí imónigíá Giriki piropenisíyo ŋweagiáyí api éwaniginiri rixa érowiápinigíárini.” E rayariŋwápimi dáni Masedonia ŋweáyí wigí ámá nápi nene eni axípi éwaniginiri ayá rowiá wiarini. ³“Payí rina surímá niriri ría eariŋini?” nimóníagi aiwi seyíné náni mixí nimeakíniri rayariŋwápi surímá imóniniginiri negí nirixímeá waú wo awami uowárenapariŋini. Ayí ámá re ŋweagiáyo “Koriniyo ŋweáyí nigwí fáyo roapíri náni rixa nipimoárimáná ŋweaŋoi.” uríápi seyíné nepa xixeni e oépoyiniri ámá rowami uowárenapariŋini. ⁴Ríwéná Masedonia dání tíyí wí nioni tñi nibiranéná seyíné rixa nipimoárimáná miŋweaŋagia siŋwí niseanirínáyí, none “Ayí rixa nipimoárimáná ŋweaŋoi.” niyaiwirane diŋí siŋá neaeánariŋipimi dáni ayá neaininiginiri náni searariŋini. Seyíné eni ayá miseainipa eníáraní? ⁵Ayináni nioni re nimónigoí, “Negí nirixímeá awa xámi ninimearo nioni sini mirémóami enáná nigwí seyíné negí símimanjé e dáni ‘Niroari wianfwarini.’ nearárigíápi ‘Rixa ipimoáripoyi.’ searipíri náni ouowárimini.” nimónigoí. Nioni nirémorfná nigwí api náni simirirí seaíápiimi dáni maríái, segí diŋíyo dáni xixeni apáni ipimoárininagi winíimiginiri awami uowárenapariŋini.

“Yaŋí ewanií nimóniro roaárírixini.” uriŋí nánirini.

⁶“Poró pí yaiwiani náni ría neararini?” niyaiwirínáyí, ewayí xwiyíá ripi náni diŋí mópoyi. Ámá aiwá xwé iwíá urfo aiwá xwé miníáriní. Onimiá urfo onimiá miníáriní. Ewayí xwiyíá api ámá wigí wíniyo arirá wianiro náni nigwí niroaro wiarigíápi náni ritamiŋíyí niniri rinini. Xwé niwiríná Gorixo wíípi xwé imónini. Onimiá niwiríná Gorixo wíípi onimiá imónini. ⁷Ayináni niyínéni xixegíni ámá arirá wianiro náni nigwí niroaríná wikí diŋí niyaiwimánáraní, ámá wo simeaxídí seaíánáraní, niroari miní miwí xámi “Nigwí niwiríná api wíwanigini.” yaiwiárigíápi náni diŋí nimoro niroaro miní wírixini. Ámá wigí wíniyo arirá wianiro náni nigwí fáyo niroaríná yayí tñi roaarigíáyo Gorixo diŋí sixí uyariŋí eŋagi náni rariŋini. ⁸Ai o seyíné aikí yínipíría nánirani, aiwá nipíría nánirani, apáni tígiáyíné imóniro ámá díwí ikeamónigíáyo arirá wipíri náni imónigíápi tñi xixeni mimóní múroro epíría náni anani seáyí e seaimixipaxorini. ⁹Nioni searariŋápi tñi Bikwíyo dáni ámá wé rónigíáyí yariŋíápi náni re niriniri eániŋipi tñi xixeni imónini, “O yaŋí ewanií nimóniri díwí ikeamónigíáyo wiarinirini. Ayináni o wá niwianiri wiŋípi náni Gorixo ná ríwíyo aiwi wí diŋí peá moníámani.” E rininipi nioni searariŋápi tñi xixeni imóninagi náni rariŋini. ¹⁰Gorixo —O aiwá omiŋí yariŋíáyo iwí iwíá uripíri náni miní wiri aiwá nipíri náni miní wiri yariŋorini. O amipí seyíné Kiraisomi diŋí wikwíroarigíá wíniyo

arirá wipíri náni eni mini seaiapiri sayá nimixa uri eníárini. E yaríná áamá aiwá omiñí xwé niróá núfasaná aiwá xwé miarigiápa seyíné eni yaní ewanií nimóniro wiarigiápimi dání axípiniñí e epírárini. ¹¹ Seyíné gíni gíná diñí re yaiwiaríná, “Anani yaní ewanií nimónirane negíyo owianeyi.” yaiwiaríná Gorixo seyíné xwéni mini wipaxí imónipíría náni amipí wí mimúrónigiáiyínéniñí seaimixiníárini. E seaimixiníá eñagi náni segí sérixímeáyo arirá wianiro náni nigwí xwéni roaarigiápi Porowane nisearápirane nimeámi nurane wianiri yariñagwi siñwí nineaniróná rixa Gorixomi yayí wipíríárini. ¹² Ayí ripi searariñini. Arirá wianiro náni seyíné yarigiápi áamá Gorixoyá amipí wí náni díwí ikeamónigiáyo xixeni arirá wiáraniro nero aiwi apini miyarinoi. Seyíné yarigiápimi dání áamá obaxí Gorixomi yayí seáyi e niwiera warinoi. ¹³ Ayí ripi rariñini. Ámáyi seyíné nigwípi wianiro yariñagía siñwí niseaniróná ripi seaiaiwipíríárini, “Nene siñwí aniñwaé dání áamá ayí xwiýíá woákíki inarigiápi —Api yayí neainariñí Kiraiso riñípirini. Api aría yímigi nero xixeni ría xidarinoi?” niseaiawiro náni Gorixomi seáyi e umféyoapíríárini. Ripi eni seaiaiwipíríárini, “Nene tñi wíniyo tñi arirá neaianiro náni mini neaiapaxí imóniñipi nimúrooro xwéni ría neaiapariñoi?” niseaiawiro náni eni Gorixomi seáyi e umféyoapíríárini. ¹⁴ E nero seyíné náni rixiñí niseauriyiróná seyíné Gorixo áamáyo wá niwianiríná áamá wianarigiápimi wiárfí nimúrori wianariñipi tñi yarigiáiyíné imónigiá eñagi náni seyíné náni íkíniñí sipí winíárini. ¹⁵ Gorixo xegí xewaxomi niwírenapíríná neaiiñipi —Api amipí bi tñi ritamiñiyí mepaxí imóniñipi. Api náni yayí owianeyi.

Xíó náni rarigiápi xwíó oeáminiri uriñí nánirini.

10 ¹ Agwi Poroni —Nioni áamá wí re rarigiónirini, “Neneyá siñwí tñí e dání ayá igigí neri aiwi nene siñwí maniñwaé dání ayá nepeárimánániñí payí neari rariñorini.” rarigiónirini. Nioni Kiraiso xwíá tíyo nemeríná nipeniri awayini yago eñagi náni ² rixiñí ripi osearimíni, “Nioni segí tñí e nirémoríná ayá igigí mé neri áamá ‘Porowa Kiraisomi mixídarigiáiyí yarigiápa yarigiáwarini.’ neaiawiarigiáwami símí tñi mixí ría tñí urimíápi seyíné eni searimía náni minimixipani.” ³ None xwíá tíyo niñwearanéná áamá Gorixomi mixídarigiáiyí tñi niñwearane aiwi ayí diñí moarigiápimi dání diñí nimorane mixí inariñwáonemani. ⁴ Amipí none mixí náni xiriñwápi áamá ayí xirarigiápi mixiriñwini. None xiriñwápi símí tñi inariñwápiyá onái imóniñipi xwiría ikixeaníwá náni Gorixoyá eñí eániñí imóniñí tñípi xiriñwini. ⁵ Api íá niñirirane re yariñwini. Pí pí áamá wigí diñíyo dání xerwí neñwipémáná érowiápinarigiápi pírfí wiaíkirane xwiýíá “Seáyi e imónini.” rarigiá áamá Gorixo náni niñíá mimónipa oépoyniri mudímoariñipi pírfí wiaíkirane nerane áamá níni pí pí “Oyaneyi.” niyaiwiróná Kiraisomi aría yímigi

miñí nirori searariñini. Ámá wiwaniñiyí weyí mearinarigiáyí nání Ámináo “Mimiwiáro yarigiáyíríani?” yaiwiariniñmani. Xewaniño siñwí niwinaxídiri píraniniñ yariniñagiá niwinimáná weyí umearariñiyí nánini “Mimiwiáro yarigiáyíríani?” yaiwiariniñirini.

Mimóni wái wurimeiarigiáwa nání uriñi nánirini.

11 ¹Agwi xe Poro majiá nikáriniri xegí eñipi nání mixí bi omeakíniniri siñwí nanípoyi. E searariñagi aí rixa siñwí e nanariñoi. ²Ayí ripi nání “Xe mixí bi omeakíniniri siñwí nanípoyi.” searariñini. Gorixo seyíne nañi imónipíría nání diñi ría weariniña nioni eni niwearini. Seyíne ámá yapí seaíwapiyaniro yarigiá wíyo aría niwiro mixídi sini apiyáíwayínéniñi imóniñáná Kiraisomi seanwirárimía nání oxí ná womi omíniñi meánírixiniri searéóariñá eñagi nání seyíne nání diñi ría niwearini. ³E neri aí eñiná sidiro Ipimi yapí niwíwapiyiríná xegí ináyiniñi imóniñipimi dání wíwapiyiniña ámá wa seyíne eni yapí niseaíwapiyiro xerwími dání niméra seawaríná seyíne sini íkwiráínaniñi nimóniro Kiraisomini píraniniñi mixídipa epírixiniri wáyí ninarini. ⁴Seyíne ripi ripi yariniñagiá nání searariñini. Ámá wa Jisaso nání riniñipi xixeni misearí xegí bi seararíná seyíne anani aría wiarigiárini. Kwíyí none searáná seaáiniñipi maríái, xegí bi nání searáná xe oneaáiniri aría wiarigiárini. Xwiyíá yayí seainariñi none wái seariñwápi maríái, xegí bi imóniñipi searáná anani aría wiarigiárini.

⁵Ai nioni wí re yaiwiariniñani, “ ‘Kiraisoyá wái wurimeiariniñwá seaýi e imóniñwáonerini.’ rinarigiáwa nioni imimí nimixiñoi.” yaiwiariniñani. ⁶Nioni ámá siñwí anigie dání xwiyíá niriríná irí mirépariniñani? Irí répariniñani? Nioni majíarini. E neri aiwi niñiá xwiyíá yayí neainariñipi nání imóniñipi bi onimiápi mimóniñini. Ai none seyíne tñi niñwearane pí pí neranéná “Porowa niñiá seaýi e imóniñiáwarani?” oyaiwípoiñiniñi siwá seaininiñani. ⁷Nioni seyíne kwíyí emaxiniñíría nání Gorixoyá xwiyíá yayí neainariñipi wái niseararíná nigwí bi misearápiñipimi dání siyikwípiñiniñi imóniñarini. Nioni e eñipi nání “Poro sipí neaikariñiniñini.” riseaimónarini? ⁸Nioni xámi seyíne searéwapiyimi nání Jisasoyá siyikí imóniñiá wíniyí nigwí nimónapáná nioni íwiniñi urápiñanigini. ⁹Ayí ripi searariñini. Nioni seyíne tñi ñweañáná negí nirixímeá Masedonia piropenisíyo dáníyí wí niñiño amipi nioni díwí ikeamóniñipi xixeni niapigíá eñagi nání segíyí womi aí aniniñi wí miwikariñanigini. Pí pí neríná Korini ñweáyíne aniniñi oseaikarimiriñi meñanigini. Ríwéná ámi niseaimearíná eni axípiñi emíarini. ¹⁰Xwiyíá Kiraiso nání nepaxiniñi imóniñipi íá xiriñani aga nepa re searariñini, “Nioni ‘Korini ñweáyo nuréwapiyiríná nigwí bi murápariniñani.’ niriri mixí meakíniñiápi segí Giriki piropenisíyo nimini yaní niwéa waríná ámá wo áwini e dání nirakiniñani.” searariñini.

11 “Poró pí nání ría e neararini?” riseaimónarini? “Diñí sixí mineayariño eñagi nání neararini.” riseaimónarini? Oweoi, nioni diñí sixí seayariñagi nání Gorixo nijjárini. 12 Diñí sixí seayariñáoni aiwi “Kiraisoyá wái wurimeiarinwá seáyi e imóniñwáonerini.” rinarigiáwa “Porowa wái nirimeriná yarigiápa axípi yariñwáonerini.” niriro weyí mearinarigiápi miwiáróimiginiri nigwí misearápi yariñápi axípinini néra umíarini. 13 Ayí ripi nání e néra umíarini. Ámá nioni searariñáwa sa mimóni wái wurimeiarigiáwarini. Ámáyo yapí wíwapíyaniro nání yarigiáwarini. “Kiraisoyá wái wurimeiarigiá waríani?” oneaiwípoyniri wigí imónigiápi rití niniro xegí bi imixinarigiárini. 14 Awa nání searariñápi nání diñí nipikíniro ududí miseainipani. Seteno aí xegí imóniñipi anani rití niniri aññají wía ókímixariñiyí wóniñi imónariñirini. 15 Ayináni oyá xináíwaniñi nimóniromo omiñi wiiarigiáwa wigí imónigiápi rití niniro ámáya siñwí tñí e dání ámá wé rónigiá oimóniñipoyiniri yarigiáyí imónigiápániñi imónáná sirí mipikínipani. Yoparí imóníe wigí egíapi tñi xixeni Gorixo píri umamoníá eñagi nání rariñini.

Wái nirimeriná wímeañipi nání uriñi nánirini.

16 Xámi ríapi ámi dirirí neri bi osearimini. Nioni mixí meakínimípi nání “Poró majíá nikáriniri rariñorini.” miniaiwipani. E niseariri aí sini “Poró majíá nikáriniri rariñorini.” niniaiwirónáyí, nioni segí aría egie dání mixí meakínimi nání seyíne majíá ikárinariñi wo weyí mearinariná xe oeniri siñwí winarigiápa nioni eni siñwí nanípoyi. 17 Nioni mixí nimeakíniniri searimípi Ámináo e ouriniri wimónariñipi tñi xixeni searimiméini. Aga majíá nikáriniri “E yariñáoniríani?” niyaiwiri diñí siñá neánariñi woníniñi nimóniri searimíini. 18 Ámá obaxí wigí eñí eánigiápimi dání egíapi nání mixí meakíninarigiá eñagi nání nioni eni axípi bi mixí meakíninimíini. 19 Diñí émi saimí mogíáyíne ámá wa majíá nikáriniro rariñagía aría niwiróná anani yayí tñi aría wiarigiáyíne eñagi nání nioni eni segí aría egie dání mixí bi meakíninimíini. 20 Ai ámá wa seyíne áxeñwarí seaianiro nání ñwí ikaxí xegí bi searékíkwíyíánáraní, segí amípi seamiwíárekixéánáraní, yapí niseaíwapiyiriniñipi dání segí amípi íwí searápánáraní, wiwaninowa seáyi e nimíeyoániro paimimí seaíánáraní, wé tñi símimañiyo seaupikákwiánáraní, xe oneaipoyiniri siñwí winarigiáyíne eñagi nání rariñini. 21 Xámi nioni seyíne tñi niñwearíná awa seaikárarigiápa axípi seaikárimí nání eñí meániñáoni eñagi nání aga ayá ninarini.

E neri aí nioni rixa majimajíá nikáriniri wa ayá nepearimáná pí pí mixí meakíninarigiápi nání nioni eni mixí meakíninimíini. 22 Awa “Xibiruone imóniñwini.” rariñagía aí nioni eni woni menirani? Awa “Isirerone imóniñwini.” rariñagía aí nioni eni woni menirani? Awa “Ebirámoyáonerini.” rariñagía aí nioni eni oyá woni menirani?

23 Ai “Nioni rixa xóxwí neri rariŋini.” nimónarini. Awa “Kiraisomi xináíwanéniŋí nimónirane wiariŋwáonerini.” rariŋagía aí nioni Kiraisomi nixídiri niwiiríná awami wiári seáyi e nimúrori yariŋáonirini. Niríkwínimáná omiŋí aniŋí miní neri múroariŋáonirini. Gwí ámi ámi niŋwirárigíoni riwonirini. Iwanŋí ámi ámi ayá wí nimépegíoni riwonirini. Niŋepaxí xwapí nikárigíoni riwonirini. 24 Gí Judayí wé wú íá ninixeayiro iwarogí ninimépeá nuróná 39 imónayini nání neaayigíonirini. 25 Romiyí biaú bi íá ninixeayiro wegwiá tñi iwanŋí neaayigíonirini. Bini síŋá tñi neari nitigíonirini. Biaú bi sipixíyo nuríná sipixí sipí éaná rawirawáyo piéroayigíonirini. Síá wiyimi rawirawáyo ikwiárinimeŋáonirini. 26 Wái urimemíniri nání aŋí nikíroríná iniŋí waxí ámi ámi nimároyipaxí eŋonirini. Ámi ámi nirápekixeyipaxí nigíonirini. Gí gwí axírí imóniŋwáyí sipí nikárayipaxí egíonirini. Émáyi eni sipí nikárayipaxí egíonirini. Aŋí xwéyo nemerínáraní, áamá diŋí meaŋe nemerínáraní, rawirawáyo nurínáraní, mimóní nixixímeá imónigíáyí tñí e nemerínáraní, aníayipaxí néra emeŋáonirini. 27 Omiŋí ríá tñí aniŋí miní neriŋípimi dání okiŋí niweŋonirini. Síá obaxíyo si ragáonirini. Agwíni yayagáonirini. Iniŋí nání gwíni yeáyí niayagonirini. Aiwá nánirani, iyíá nánirani, aŋí nánirani, ámi ámi díwí ikeamónayagáonirini. 28 Api tñi ámi bi sini misearipa neri aiwi síá ayí ayo Jisasoyá siyikí imónigíáyí nání “Omí nuxídiróná arige ría yariŋoi?” niyaiwiriŋípimi dání diŋí saŋí nunarini. 29 Wo Jisasomi pírániŋí oxídimíniri neri samiŋí wéaná nioni eni diŋí sipí niariŋagi nání eŋí samiŋí niweariŋirini. Womi áamá wí xewímini niméra waríŋagía nání íwí éaná nioni diŋí ríá nixeariŋirini. 30 Mixí meakíninariŋápi wí píni miwiáripaxí nimóníagi nání amípí nioni eŋí meánipa neri eŋápi —Api nání áamá diŋí nimoríná “Poró eŋí samiŋí wearíŋoríani?” yaiwiarigíápirini. Api nání eni iwamíó níriri mixí meakíninimíni. 31 Gorixo —O negí Áminá Jisasomi xano imóniri ŋwíáo imóniri eŋorini. Aniŋí íníná seáyi e numéra upaxorini. O nioni yapí miseariŋá eŋagi nání niŋíá imónini. 32 Nioni eŋí meání neri eŋá ripi nání mixí omeakíninimíni. Eŋíná nioni aŋí Damasikasiyi riniŋípimi ŋweaŋáná mixí ináyí Aretasoyá kípíxo íá nixiraniro nání xegí simiŋí wínarigíáyo ákiŋá íwí niyoni awí nurára uŋinigini. 33 E éagi negí nixixímeáyí wí nioni soxí íáyo ninimíáriri gwí nijárimáná ákiŋá pípíwí wiyimi dání awayini nimamówára ninipiéroro nání oyá ámáyi wí íá minixegíawixini.

Poró aŋínami dání oriŋá tewíniŋí nánirini.

12 1 Mixí nimeakíniniriŋípimi dání naŋí bi neaiipaxí meŋagi aiwi wí píni wiáripaxí mimóniŋini. Ayínáni Ámináo wíá nókímixiŋípi tñi oyá diŋíyo dání oriŋá winiŋápi tñi apiaú nání eni xwiŋíxá níriri mixí meakíninimíni. 2 Nioni áamá Kiraiso tñi ikárininiŋí wo eŋípi nání orimíni.

siŋwiriýí, xixeni epaxí imóniŋípi tíni yaniro egíárini. ¹² Ayí ripi náni searariŋini. Nioni seyíne tíni niŋwearíná Kiraisoyá wáí wurimeiarigíá nepaxiŋí imónigíáwa emimí ero ayá riwamónipaxí imóniŋípi ero yariŋíápi aríki aniŋí miní seaŋwapiyayiŋáriní. ¹³ Jisasoyá siyikí imónigíá wíniyo niwímeariná wéyo umeariŋápa seyíne eni axípi niseamemána aí wiawonápi, ayí ripinirini. Nioni aiwá nimi náni nigwí bi nisearápiri aniŋí miseaikáriŋanigini. Sipí e seaŋápi náni anani yokwarimí niipíriréoi?

¹⁴ Aríá nípoyi. Rixa biaú biŋáoni ámi bi biminiri náni imóniŋini. Ámi bi biminiri náni nimóniri aí aniŋí seaikárimíámani. Segí amipí bi misearápi sa seyíne tíni nawíni diŋí sixí níniŋi oŋweaneyiniri bimía náni rariŋini. Seyíne níjírini. Niaíwíyí xaniyaúmi amipí arirá wíimiginiri awí eámeámí yáripaxímani. Xaniyaú niaíwíyo arirá owiaiŋiniri amipí bi awí eámeámí yáripaxírini. Segí sénomi, ayí nioni éniŋí imóniŋáoni enagi náni rariŋini. ¹⁵ Seyíne arirá seaimi náni gí amipí níni emi nimoríná ayí yayí tíni emi mómfáriní. Arirá seaimi náni niyoríriniríná ayí yayí tíni yorírinimíáriní. Nioni e neri diŋí sixí ayá wí seayariŋagi náni seyíne sa bi onimiápi diŋí sixí niyipíriréoi? ¹⁶ Nioni seyíne tíni niŋwearíná aniŋí wí miseaikáriŋá aiwi ámá wí re searipíráoi, “O siŋwí samamí neri íwí neriŋípimi dáni yapí seaiepiŋírini.” E searipíría aiwi wí e miseaikáriŋanigini. ¹⁷ Ámá nioni seyíne tfe náni nuowárenapiŋipimi dáni eni yapí niseaŋwapiyiri íwí bi misearápiŋanigini. ¹⁸ Taitaso seyíne tíŋí e náni bini náni ení rirémixí wiowáriŋanigini. Negí nírixímeá o tñi biŋo eni níkumixiri wírenapiŋanigini. Taitaso yapí niseaŋwapiyiri segí amipí bi risearápiŋinigini? Oweoi, wí e meŋinigini. Xámi none seyíne niseaímeariná enwápi náni pírániŋí diŋí mópoyi. Taitaso “Pírániŋí e oemini.” niyaiwiri seaŋiŋápa none eni axípi nerane omi númi irikwíniŋí mikeánipa reŋwanigini?

¹⁹ Xwiýíá ripi íá níroróná aniŋí re rineaiaiwariŋoi, “Porowa wigí egíápi náni xwiýíá wákwínaniro náni ría rariŋoi?” rineaiaiwariŋoi? Negí diŋí sixí seayiwáyíne, wí e oneaiaiwípoyiniri mirariŋwini. Sewaniŋíyíne Kiraisomi níxídiróná ení neániro xídipíría náni Gorixoyá siŋwí tíŋí e dáni Kiraiso awa e ourípoyiniri neaimixiŋípini ení nímixiri searariŋwini. ²⁰ Nioni ámi seyíne tíŋí e níremoríná “Naní ayí e imóniŋagía owinimini.” niyaiwia bimíápi tñi xixeni mimóní xegí bi imóniŋáná seaímeámiginiri ayá síwí níroariní. Seyíne eni “Porowayini nimónimáná oneaímeani.” yaiwiarigíápi tñi xixeni nimónimi miseaímeá wikí nónimi seaímeámiginiri ayá síwí níroariní. Seyíne sini símí tñi niwíápíga uro sipí diŋí niyaiwiga uro wikí ría ápiáwíniŋí nóga uro rírowiámí niga uro ikayíwí nímeariŋa uro mimayíó níróga uro wárixá nimóga uro míxí népéga uro yariŋagía siŋwí seanimiginiri náni searariŋini. ²¹ Nioni ámi níbiri niseaímeariná segí sipí yariŋíápi dáni Gorixo ayá nimóáná segí

siŋwí anigíe dání ŋwí eámiginiri ayá síwí niroarini. Xámi segíyí wí íwí nero wigí íwí inigíápirani, íwí niniri rípeánigíápirani, piaxí weánipaxí imóniŋípi egíápirani, rixa ríwímíni mimamó sini yariŋagía siŋwí niseaniríná ŋwí eámiginiri rariŋini.

Íkwairirí niwiríná uriŋípi nánirini.

13 ¹Seyíné tíŋí e nání rixa biaú biŋáoni ámi bi bimíárini. Rixa niseaímeaírná xwiyíá Bikwíyo niriniri eáníŋí ripí “Xwiyíá nimixiríná siŋwí winaróíá waúraní, waú woraní, sopiŋí norónáyí, ‘Apí nepa ría imónini?’ yaiwipaxírini.” niriniri eáníŋípimi nixídírane xwiyíá imixaníwárini. ²Xámi nibimáná ámi ríwíyo nibiríná íkwairirí seaiŋápa agwi seyíné sini miseaímeapa neríná segí íwí éíáyo tíni íwí méíá wíniyíné tíni nání payí neari íkwairirí seawárenaparini. Nioni ámi bi nibiríná ámá íwí yarigíáyí sini xe oépoyniri siŋwí winimíámani. ³Seyíné diŋí re yaiwariŋagi nání e emíárini, “Nene ‘Kiraiso nepa Poromi dání rariŋirini.’ yaiwiani nání o e oneaíwapiyini.” yaiwariŋagía nání e emíárini. O pírániŋí owimiximiniri neríná samíŋí niweri seaiariŋomani. Eŋí tíni seaiariŋorini. ⁴Eŋíná o samíŋí weŋáná íkíá yoxáípámi yekwíroárigíá aiwi Gorixoyá eŋí eáníŋípimi dání ámi siŋí ŋweaŋorini. Xífo tíni nawíni ikáriníŋwá eŋagi nání eŋí samíŋí weŋwáone aiwi seyíné tíŋí e nání nibírane pírániŋí seaimixaniri neranéná siŋo tíni nawíni nikumixinirane imóniŋwá eŋagi nání eŋí eáníŋí Gorixoyá tíni seameaníwárini.

⁵Seyíné woxini woxini “Nepa Kiraisomi diŋí wikwíroariŋá woníríani? Míwikwíroariŋá woníríani?” niyaiwiniri iwamíó infírixini. Sewaniŋíyíné woxini woxini siŋwí ainenaxídírixini. “Jisasi Kiraiso tíni miŋíniŋwaénerini.” niyaiwiniro siŋwí mí nómixiniro nijíá mimónipa reŋoi? E niseariri aí siŋwí nainenaxídíríná miwiáróíáyí imóniŋánáyí, “Kiraiso tíni miŋíniŋwaénerini.” niyaiwiniro siŋwí mí ómixinipaxí menini. ⁶E niseariri aí nioni diŋí re seaikwímoŋini. Seyíné none siŋwí nineanaxídíróná rixa mimíwiárówáone imóniŋagwi neanariŋoi. ⁷Seyíné sipí wí mepa oépoyniri Gorixomi rixiŋí seauriyariŋwárini. Ámá wí re oneaiaiwípoyniri, “Porowa Korini ŋweáyo wáí nurimeríná wí mimíwiárogíawixini.” oneaiaiwípoyniri seauriyariŋwámani. “Porowa miwiárogíawixini.” neaiaiwariŋagía aiwi seyíné naŋí imóniŋípi tíni xixeni epíri nání Gorixomi rixiŋí seauriyariŋwárini. ⁸Ayí ripí nánirini. None pí pí neranéná xwiyíá nepaxiŋípimi diŋí miwikwíropa oépoyniri wí yariŋwáonemani. Apimi diŋí wikwíropaxípiŋi yariŋwáonerini. ⁹None eŋí samíŋí neawéagi aí seyíné eŋí neániro Kiraisomi xidariŋagía niseaniríná yayí yariŋwárini. Seyíné yóí oimónípoyniri Gorixomi rixiŋí seauriyariŋwárini. ¹⁰Ayí ripí nání agwi nioni seyíné tíni miŋweá wí e dání niŋweámáná payí rina eaariŋini. “Nioni segí tíŋí e nání

nibiríná Gorixo néné tĩjónĩjĩ oimóniri nimixĩjĩpimi dání ría tĩjĩ oseamemini.” minimónarijagi nání payĩ rina neari wírenaparijini. Ayĩ ripi nání rarijini. Gorixo néné tĩjónĩjĩ oimóniri ninimixiríná áamá xíomi dijĩ wikwíroarigíáyo uyíni uméwiniginiri nimixĩjĩmani. Eñĩni wímixíwiniginiri nimixĩjĩrini.

Yoparĩpi uriĩjĩ nánirini.

¹¹Negĩ nixixímeáyíne, yoparĩ ripi nearíná yayĩ seawárenaparijini. Seyíne yóĩ oimónaneyiniro aniĩjĩ miní ero nioni eñĩ rirémixĩ sealarĩjapi aría ókiarĩ móniro dijĩ axĩpimini xídiro piyá wero érixini. Seyíne e nerónáyĩ, Gorixo —O áamá nání dijĩ sipĩ seaini nání seaimixiri piyá wepĩri nání seaimixiri eñorini. O íníná dijĩ seakikayoníarini. ¹²Gorixomi dijĩ wikwírogíáyíne yayĩ niniróná yayĩ óĩ eánenírixini. ¹³Gorixoyá áamá nioni tĩni re ŋweagíáyĩ yayĩ seawárenaparijoi. ¹⁴“Seyíne niyínéni Áminá Jisasi Kiraiso wá seawianiri Gorixo dijĩ sipĩ seairi oyá kwíyĩpi nawíni seakumixáiriri éwinigini.” nimónarini.